

Artos Niyasa/Prelambung :

Indik Niyasa/Prelambung ngange simbol-simbol sane maderbe atos indik kesah Desa Pakrman Tapiapi sakeng Desa Pakarman Pejeng. Sinarengan pemekaran Desa Dinas Pejeng Kawan ring warsa 1902 Saka (1980 masehi), nganggiang niarsa Surya Sengkala minakadi :

Kaping Pertama : Surya maartos siki;

Kaping kalih: Lawang (pawedal) maartos 9;

Kaping Tiga :Balang maartos 0; lan

Kaping empat: Manuse Lanang wadon, maartos 2

Dados : Warsa 1902 Saka (1980 Masehi).

Desa Dinas Pejeng, Karesidenan



**PIDAGING
MAKA BANTANG AWIG-AWIG DESA PAKRAMAN
PEJENG KAWAN**

PRELAMBIANG	i
MAKA BANTANG AWIG-AWIG	ii
MURDHA - CITTA	1
PRATHAMAS SARGAH : ARAN LAN WEWDANGAN DESA	1
DWITYAS SARGAH : PATITIS LAN PAMKUKUH	2
TRITYAS SARGAH : SUKERTA TATA PAKRAMAN	3
Palet 1 Indik Krama	3
Palet 2 Indik Prajura/Dulun Dena	8
Palet 3 Indik Kulkul	14
Palet 4 Indik Paruman	15
Palet 5 Indik Drowen Dena	18
Palet 6 Panyanggran Banjar	20
CATHURTAS SARGAH : SUKERTA TATA AGAMA	21
Palet 1 Indik Dewa Yadnya	21

Desa Adat Pejeng Kawan

Palet 2 Indik Resi Yadnya.....	31
Palet 3 Indik Pitra Yadnya.....	33
Palet 4 Indik Manusia Yadnya	39
Palet 5 Indik Bhuta Yadnya	40

PANCAMA SARGAH : SUKERTA TATA PAWONGAN.....	42
Palet 1 Indik Pawiwahan.....	42
Palet 2 Indik Nyapian.....	45
Palet 3 Indik Sentana.....	48
Palet 4 Indik Warisan.....	50

SAD SARGAH : SUKERTA TATA PALEMAHAN.....	53
Palet 1 Karang, Tegal, lan Carik	53
Palet 2 Pepayonan	54
Palet 3 Wewangunan.....	55
Palet 4 Wewalungan.....	56
Palet 5 Bhaya	56

SAPTAMA SARGAH : WICARA LAN PAMIDANDA	58
Palet 1 Indik Wicara.....	58
Palet 2 Indik Pamidanda	59

ASTAMA SARGAH : NGUAH NGUWUHIN AWIG-AWIG.....	61
---	----

NAWAMAS SARGAH : SAMAPTA	61
--------------------------------	----

MURDHA CITTA

“OM SWASTYASTU, OM AWIHGNAMASTU NAMA SIDAM”

Malarapan panghyangning Ida Sang Hyang Widhi Wasa, Asung Kerta Nugraha ngawentenang kahuripan sekala niskala, ring Bhuwana Agung lan Bhuana Alit, Manut Dresta desane wantah pawakan pasayuban krama Desa rawuhing kula warga pawonganya. Desane kemanggehang Bhuwana Agung, pawonganya sowang-sowang pinaka Bhuwana Alit.

Sotanin Bhuwana Agung desane wantah pawakan Bhawa maurip, jangkep saha Tri Hita Karananya, luwir :

1. Parahyangan, sahananing kahyangan, panyiwian desa genah ngarcana Ida Hyang Parama Wisesa, maka jiwana desane;
2. Pawongan, krama saha warga desa maka sami pawakan Bayu Pramana (Tri Kaya) mawinan desane sida molah maprawerti ; lan
3. Palemahan, tanah kakuwuban desa, sinaggeh stula sariraning desa Adung patemon bhuwana alit lan agung, larapan santa jagadhita, sinaggeh murdhaning prayojana pangriptaning Awig-awig Desa Adat ring sabha krama Desa Adat Pejeng Kawan.

Pamutus sabha inucap pinaka sepat siku-siku pamatut, wastu prasida prayojanan mamikabeh prasama anghidep muwah amagehaken kadi linging Awig-awig iki.

PRATHAMAS SARGAH ARAN LAN WEWIDANGAN DESA

Pawos I

- (1) Desa Adat puniki mawasta Desa Adat Pejeng Kawan.
- (2) Jebar kakuwub wawidangannya mapanyanding nyatur :
ha. Panyanding sisih Wetan Desa Adat Jero Kuta Pejeng ;

Desa Adat Pejeng Kawan

- na. Wates sisih Kulon Tukad Petanu lan Tukad Celantung mapanyanding Desa Adat Peliatan lan Laplapan;
 - ca. Panyanding sisih Lor Desa Adat Tarukan; lan
 - ra. Wates sisih Kidul Tukad Bubung mapanyanding Desa Adat Bedulu lan Tengkulak.
- (3) Desa Adat puniki kawangun antuk Satus Ulung Dasa Lima (185) song karang ayahan desa miwah karang gunakaya turmaning ke pah dados enam (6) banjar luwire ;
- ha. Banjar Adat Tatiapi.
 - na. Banjar Adat Tatiapi Kelod.
 - ca. Banjar Adat Dukuh Kanginan.
 - ra. Banjar Adat Dukuh Kawan.
 - ka. Banjar Adat Dukuh Geria.
 - da. Banjar Adat Sala.

**DWITYAS SARGAH
PATTIS LAN PAMIKUKUH**

Pawos 2

Desa Adat Pejeng Kawan ngamanggehang pamikukuh minakadi :

- (1) Pancasila;
- (2) Undang Undang Dasar 1945, pamekas pasal 18B ayat 2;
- (3) Undang Undang No.39 Tahun 1999 tentang HAM;
- (4) Perda Provinsi Bali No. 4 Tahun 2019 tentang Desa Adat di Bali;
- (5) Tri Hita Karana manut sadacara Agama Hindu

Pawos 3

Luir patitis Desa Adat Pejeng Kawan:

- (1) Ngukuhang miwah ngarajegang Sang Hyang Agama;
- (2) Nginggilang tata prawretine ma Agama Hindu;
- (3) Ngarajegang kasukertan Desa saha pawongannya sakala lan niskala.

TRITYAS SARGAH
SUKERTA TATA PAKRAMAN

Palet 1

Indik Krama

Pawos 4

- (1) Sane kabawos Krama Desa inggih punika kulawarga sane maAgama Hindu sane mipil/kasurat tur jenek mepaumahan saha ngamong karang desa utawi carik ring wewidangan Desa Adat Pejeng Kawan utawi karang gunakaya manut pararem;
- (2) Sajaba punika kabaos Krama Tamiu lan Tamiu;
- (3) Sane kabaos Krama Tamiu inggih punika warga sane maagama Hindu mawit saking dura desa jumenek ring Desa Adat Pejeng Kawan;
- (4) Sane kabaos Tamiu inggih punika warga sane tiosan ring Krama Desa lan Krama Tamiu jumenek ring Desa Adat Pejeng Kawan;
- (5) Indik Krama Tamiu lan Tamiu selanturnya manut pararem.

Pawos 5

Krama Desa Adat Pejeng Kawan wenten 4 (Papat) pawos luwire:

- (1) Krama ngarep, kulawarga sane ngamong karang desa utawi karang gunakaya, tegal utawi carik;

Desa Adat Pejeng Kawan

- (2) Krama Penampul/pengempian utawi pengele, kuluwarga sane tanpa karang, tegal, utawi carik sakewanten sampun mawiwaha;
- (3) Krama Tapukan, kulawarga manut angka (1) ring ajeng sakewanten durung antes ngayah manut pararem.
- (4) Krama Balu, kulawarga sane katinggal seda olih lanang utawi istrinnyane utawi sangkaning nyapihan, Krama inucap kabinayang dados;
 - ha. Balu Makrambian, inggih punika balu sane maduwe sentana derengmerabian utawi dereng antes ngayah;lan
 - na. Balu Ngalisting, inggih punika balu sane tanpa sentana.

Pawos 6

Ngawit dados Krama Desa :

- ha. Ngawit ngamong karang jenek mapaumahan utawi manut pararem;
- na. Krama Tamiu sane mapangarsa dados Krama Desa manut pararem kadulurin antuk pinunas ring Prajuru Desa lan pamutus Paruman Desa. Sangkaning Krama Tamiyu jenek ring Desa Adat Pejeng Kawan patut kedararin antuk ilikita pastika manut Pararem.

Pawos 7

Galah / Panemaya tedun makrama Desa:

- ha. Nyabran Sasih Kadasa (Nyepi);
- na. Ngantos asangkepan ngawit pawiwahan; lan
- ca. Jenek mapaumahan manut pararem.

Pawos 8

Sahanan Krama Desa keni tategenan (ayah muah urunan) luwire:

- ha. Krama pangarep keni urunan miwah ayahan mamungkul mangge ring desa wiadin ring banjar;
- na. Krama Pangempian, keni wantah urunan daging apah tenga, saking krama ngarep (rikala wali);
- ca. Krama Tapukan keni urunan mamungkul sakewanten ayah-ayahannya kaluputan selami dereng antes ngayah;
- ra. Krama Balu dagingne mamungkul ayahan manut kehanan balunnyaane manut pararem;
- ka. Parade rikalaning ngayah, wenten sinalih tunggil krama matilar tan pasadok, sadurung puput karya wenang krama inucap keni pamidanda manut pararem tanjek laler kewastanin;
- da. Panyeledihi ayah arep / pangarep:
 1. Keturunan Brahmana Wangsa, putra I (kapratama);
 2. Keturunan Ksatria Wangsa, putra I (kapratama);
 3. Keturunan Wesya Wangsa, putra I (kapratama);lan
 4. Keturunan Sudra Wangsa, putra pinih alit.
- ta. Panyeledihi Ayah Panampul/Pangempian utawi Pangele; keturunan Brahmana Wangsa, Ksatria Wangsa, Wesya Wangsa kaseledihi olih putra I (kapratama), lan Sudra Wangsa kaseledihi olih putra pinih alit.

Pawos 9

Swadharman Krama, siyosan ring tategenan, luwire :

- ha. Tinut saturut ring sedaging awig-awig, pararem lan paswaran Desa ;
- na. Tan maren ngutsahayang mangda desane mrasidayang nyujur manut patitis;lan
- ca. Tinut saturut ring Guru Wisesa.

Pawos 10

Swadharman Krama Tamiu lan Tamiu luwire:

- ha. Nyadokang raga ring prajuru masengker kalih rahina (48 Jam) sesampun jumenek malarapan antuk ilikita pastika saking desane utawi sang ngawawenang;
- na. Tinut saturut ring yasa kertin desane tan piwal ring sedaging awig-awig pararem lan pasuaran Desa;
- ca. Tinut paswaran Desa manut pararem.
- ra. Yan tan tinut tan kadadosang jumenek ring Desa Adat Pejeng Kawan .

Pawos 11

Prade wenten Krama Tamiu tedun dados krama Desa patut nawur sekadi ring sor puniki:

- ha. Nawur pamlaga manut padruwean Krama Desa soang-soang sane wenten ring kas desa manut pararem ;
- na. Nawur pangampel manut pararem;

Pawos 12

Sinalih tunggil krama desa/banjar balu lanang utawi istri patut kaluputan luwire :

- ha. Yan Balu lanang, luput ayah istri salami pianaknya luh dereng antes ngayah;
- na. Yan Balu istri, luput ayah lanang salami pianaknya muani dereng antes ngayah;
- ca. Krama Desa tan kapatutan tedun ngayah sane ruyud, sakit ila, ayan, buduh, buta, rumpuh miwah sakancannya.

Pawos 13

Krama Desa kadadosang luwire :

- ha. Mapuankid utawi tan tedun rikalaning:
 - 1. Mayadnya;

2. Matepetin Rare;
 3. Sungkan; lan
 4. Siosan punika alangan kematian manut pararem.
- na. Kecap ring ajeng kengin matempo wantah apisan, sajawanin wenten uwakan Prajuru;
 - ca. Nyada mapiteges ngemademang ayah patut masadok ring prajuru ri sampun mayusa 70 (Pitung dasa) warsa tan dados nyuksukin, tur sang nyada mangda digelis ngarereh panyeledihi manut pararem.
 - ra. Nutug ayah antuk artha brana utawi Melaga seantukan kapialang utawi kajudi olih Guru Wisesa manut pararem.
 - ka. Krama Desa Adat Pejeng kawan kadadosang naub yan sampun sakulawarganyane wenten ring dura desa

Pawos 14

Wusan dados krama Desa:

- ha. Sangkaning magingisir genah kadura desa utawi ngalangkungin segara, krama punika patut nunas panglugrahan saking prajuru tur tan polih pahpahan saking druwen Desa lan druwen Banjar. Prade pungkuran matulak malih ngeranjing makrama desa, yan sangkaning rahayu kadadosang tur kakenenin pamogpog manut pararem;
- na. Sampun wenten sumendi (sumendya, kasemseman);
- ca. Pinunas ngraga saantukan sungkan-sungkanan;
- ra. Sangkaning kanoroyang, duwaning tan prasida ngesehin solah maprewerti setata nguwig pamargin awig-awig dados mawali malih yan sampun prasida muntasang dadendan manut pararem;lan
- ka. Patut ngaturang karang Desa prade mangenah ring PKD wiyadin AYDS

Palet 2
Indik Prajuru/Duḥun Desa
Pawos 15

Dulu-dulu Desa Adat Pejeng Kawan luwire :

- ha. Prajuru Desa Adat
- na. Sabha Desa Adat
- ca. Kerta Desa Adat
- da. Banjar Adat

Pawos 16

- (1) Desa Adat Pejeng Kawan kaenter olih Prajuru Desa Adat
- (2) Banjar Adat kaenter olih Kelian Banjar Adat
- (3) Prajuru Desa Adat inggih punika :
 - ha. Bendesa Adat
 - na. Petajuh Bendesa Adat
 - ca. Penyarikan Desa Adat pinaka juru surat
 - ra. Patengen pinaka Juru Raksa Desa Adat
 - ka. Kasinoman pinaka Juru Arah

Pawos 17

Ngadegang Prajuru Desa Adat lan Kelian Banjar Adat:

- (1) Bendesa Adat kacatri olih Krama Desa malarapan mapaignuman parasparo, asah asih asuh, gilik saguluk ingkup;
- (2) Kelian Banjar Adat kacatri olih Krama Banjar malarapan mapaignuman parasparo, asah asih asuh, gilik saguluk ingkup;

- (3) Prajuru Adat mantut Pawos 16 angka (3) aksara na, ca, ra lan ka kapidi lan kakukuhang olih Bendesa Adat ring Paruman Sabha Desa Adat;
- (4) Prajuru Desa Adat lan Kelian Banjar Adat sane keadegang, patut:
- ha. Mawit saking krama Wed Desa Adat;
 - na. Uning ngewacen lan nyurat aksara Bali lan huruf Latin;
 - ca. Uning tata titining mawa desa;
 - ra. Uning ring parindikan agama, adat lan budaya;
 - ka. Lascarya ngayah tur madue parilaksana sane rahayu;
 - da. Sengker galah ngayah 5 (limang) warsa, yan sampun puput sengker ayah-ayahan dados kapilih malih apisan;
 - ta. Maduluran upasaksi :
 - 1) Prajuru Adat ring Pura Agung Batan Bingin Desa Adat Pejeng Kawan;
 - 2) Kelian Banjar ring Pura Ulun Banjar soang-soang.

Pawos 18

- (1) Swadharmaning Prajuru Desa Adat lan Kelian Banjar :
- ha. Ngenterang pemargin Awig-awig lan Pararem Desa Adat;
 - na. Ngarincikan rencana wewangunan Desa Adat ngeninin indik Parhyangan, Pawongan, Palomahan lan sane siosan sane kapikayun mabuat saha prabiasa sareng Sabha Desa Adat;
 - ca. Ngenterang lan mantun Krama Desa lan Warga Desa nyujur patitis;
 - ra. Maosin saha miwakang pamutas wicara adat Warga Desa sareng Kerta Desa Adat;
 - ka. Muka Duta Desa Adat matemuang bawo ring sapa sira ugi.

- da. Nyandikan capamanggih rancana wawangunan saba gabianta manut angka 2 (dua) mawaah mangjak lungsur padawaan desa ring paraturan Desa Adat
- (2) Prade dudu-dudu Desa iwang palaksana keni danda nikel saking danda kawangan Kemm Desa ter dadas karawantung manut Pararem

Pawca 19

Patias atawi olib-olihan Prajuru Desa Adat lan Kelihan Banjar

(1) Patias Prajuru Desa Adat :

- ha. Luput mamak
- na. Polih tanding tengah (cenongan) atawi panyolasan
- ca. Upon palaba carik, tegal manut Pararem
- ra. Prade wisan puput sangker ayah-ayahun, polih luput ayah awarsa tur polih cihna yasa

(2) Kelihan Banjar Adat :

- ha. Luput mamak
- na. Polih tanding tengah (cenongan) atawi panyolasan
- ca. Prade wisan puput sangker ayah-ayahun, polih luput ayah 6 (nem) warih

Pawca 20

Prajuru Desa Adat/Banjar Adat kagawasin mantikan :

- ha. Seda
- na. Wl aking pikayunan malayanan pinatus nguga
- ca. Sampun puput sangker galah ngayah
- ra. Kawarayang dawung iwang palaksana atawi mlat asana

- ka. Ngetosin Prajuru Desa Adat patut ring sajeroning paruman Desa Adat, ngetosin Prajuru Banjar Adat patut ring sajeroning Paruman Banjar, tur patut kaingkupin olih paling kidik kalih pah tiga olih sane patut miletin paruman manut pararem.

Pawos 21

Sabha Desa Adat lan Kerta Desa Adat :

- (1) Sabha Desa Adat lan Kerta Desa Adat keadegan olih Prajuru Desa Adat.
- (2) Sane kaadegang Sabha Desa Adat lan Kerta Desa Adat inggih punika para moncol (tokoh) Krama Desa Adat sane kacatri dados utusan suang-suang Banjar Adat manut pawilangan ngangken 50 (seket) krama kawakilin antuk adiri (1) manut pararem.
- (3) Sabha Desa Adat inggih punika paruman wakil-wakil Krama Desa pinaka ngangganin Krama Desa

Pawos 22

Sane dados keadegang Sabha Desa Adat lan Kerta Desa Adat inggih punika :

- ha. Mawiwit saking krama Wed, uning ngwacen lan nyurat aksara Bali lan latin
- na. Mayusa ngawit 30 (tigang dasa) ngantos 75 (pitung dasa lima) warsa
- ca. Kenak angga lan adnyana
- ra. Uning ring parindikan agama, adat lan budaya
- ka. Lascarya ngayah tur madruwe parilaksana sane rahayu
- da. Kacumponin olih Krama Desa maduluran upasaksi ring Pura Agung Batan Bingin.

Pawos 23

Susunan (struktur) Sabha Desa Adat lan Kerta Desa Adat

- (1) Susunan Sabha Desa Adat inggih punika :
 - ha. Kelian Sabha Desa Adat

- na. Petajuh Kelian Sabha Desa Adat
 - ca. Panyarikan Kelian Sabha Desa Adat
 - ra. Angga Sabha Desa Adat manut baga-baga, inggih punika :
 - 1) Baga Prahyangan
 - 2) Baga Pawongan
 - 3) Baga Palembang
 - ka. Kelian Sabha Desa Adat, Petajuh, Panyarikan lan Baga-baga, kapidi ring Paruman Sabha Desa Adat malarapan pakayuna asah asih asuh parasparo gilik saguluk ingkup.
- (2) Susunan Kerta Desa Adat inggih punika :
- ha. Bendesa Adat madeg manggala Kerta Desa Adat ngrangkep angga
 - na. Petajuh manggala Kerta Desa Adat ngrangkep angga
 - ca. Panyarikan Kerta Desa Adat ngrangkep angga
 - ra. Angga Kerta Desa Adat
 - ka. Petajuh lan Panyarikan manut aksara na lan ca ring ajeng kapidi ring Paruman Kerta Desa Adat.
- (3) Sengker galah ngayah Sabha Desa Adat lan Kerta Desa Adat 5 (limang) warna, yan sampun puput sengker ngayah dados kapidi malih.

Pawos 24

Swadarmaning Sabha Desa Adat lan Kerta Desa Adat,

- (1) Swadarmaning Sabha Desa Adat inggih punika :
- ha. Ngaturang dharma tatimbung ring Prajura Desa Adat sajeroning ngenterang Desa Adat
 - na. Nyuratang Awig-awig lan Peraturan tur gurat kaingkuhin olih Paruman Desa Adat

- ca. Nyarengin Prajuru Desa Adat ngrincikang rencana wawangunan saha prabiania ngeninin indik Parhyangan, Pawongan, Palemahan lan sanc tiosan sane kapikayun mabuat prasida nincapang Desa Adat
- ra. Ngukuhang pasadok Prajuru Desa Adat ngeninin indik wawangunan saha prabiania lan munjuk lungsur padruwean Desa Adat sadurung kasobiahang ring Krama Desa.

(2) Swadarmaning Kerta Desa Adat inggih punika :

- ha. Maos saha niwakang pamutus wicara adat warga desa.
- na. Maosin wicara adat patut kausahayang malarapan asah asih asuh druwenang sareng-sareng majalran paiguman.
- ca. Prade tan wenten prasida manut aksara na ring ajeng, Kerta Desa Adat wenang ngamargiang panureksan wicara tur ngamedalang pamutus wicara manut Awig-awig, Pararem lan Dresta
- ra. Ilikita pamutus wicara kalinggatanganin olih Bendesa Adat pinaka Manggala Kerta Desa Adat
- ka. Prade Bendesa Adat lan Angga Kerta Desa Adat wenten paiketan ring wicara sane patut kabaosin, Bendesa Adat lan angga Kerta Desa Adat punika tan dados sareng maosin wicara punika. Bendesa Adat pinaka manggala Kerta Desa ring sajeroning indik punika kagentosisn olih angga Kerta Desa Adat yusane pinih lingsir.

(3) Patias utawi olih-olihan Sabha Desa Adat lan Kerta Desa Adat :

- ha. Luput ayah lan papeson rarampen; lan
- na. Patias siosan manut Pararem.

Palet 3
Indik Kukul
Pawos 25

(1) Kukul sane wenten ring Desa Adat Pejeng Kawan luwire :

- ha. Kukul ring Kahyangan ;
- na. Kukul Desa;
- ca. Kukul Banjar;
- ra. Kukul Tempekan;
- ka. Kukul Sekaa-sekaa;

(2) Tabuh tatepakan kukul Desa:

- ha. Nungtit / silih asih, tengeran wenten yadnya / upacara;
- na. Tulud banban, tengeran tedun ngayah;
- ca. Bulus tengeran bhaya;
- ra. Tigang klentungan bulus panjang, tengeran lindu, er, lan pawana bhaya.

(3) Tengeran swaran Kukul ring sowang-sowang banjar

ha. Tengeran bulus:

1. Kalih tulud bulus, tengeran kekeni bhaya;
2. Atulud bulus, tengeran kapandangan (artha bhaya);
3. Tigang tulud bulus, tengeran jiwa bhaya;
4. Tigang klentungan bulus panjang, tengeran lindu, er, lan pawana bhaya.

na. Banban:

1. Atulud banban tengeran tedun ngayah utawi wenten pakaryan;
2. Nungtit/silih asih tengeran, surya gra, candra gra;
3. Tigang klentungan banban, tengeran kalayu sekaran.

ca. Klentungan:

1. Kalih klentungan, tengeran rare embas;
2. Limang klentungan, tengeran pawiwahan;
3. Sia kelentungan ngempang panjang, tengeran ngawangdeang karya.

Pawos 26

(1) Kukul Desa/Banjar katepak :

- ha. Yan sangkaning pituduh Dulun Desa / prajuru Desa/Banjar;
- na. Sajawaning tengeran bhaya tan ngantos pituduh prajuru;
- ca. Yan prade wenten warga desa/banjar sane nepak kukul tan sangkaning pituduh prajuru, patut digelis supeksa maka buatan panepake, yan tan asapunika wenang sang mamurug kadanda manut pararem.

(2) Kukul sekaa-sekaa miwah kukul paumahan ping kalih pondokan tan kalugra

:

- ha. Nyawerin (matehin) sukat utawi suaran kukul Desa/Banjar sajawaning bhaya;
- na. Prade wenten sane mamurug patut kadanda manut pararem.

Palet 4

Indik Paruman

Pawos 27

(1) Paruman/sangkepan ring Desa Adat Pejeng Kawan, wenten :

ha. Paruman Dulu-dulu Desa kawentenang:

1. Nyabran Umanis Galungan tanpa arah-arah duwaning sampun tetep panemayane;
2. Napkala/padgatakala, maka jalaran arah-arahan manut tatujon.

- na. Paruman/sangkepan Sabha Desa, kawentenang :
 - 1. Nyabran Buda Kliwon tanpa arah-arah duwaning sa panemayane;
 - 2. Napkala/padgatakala, maka jalaran arah-arahan manut tatujon.
 - ca. Paruman /Sangkepan Prajuru kawentenang manut babuatan;
 - ra. Paruman/sangkep Banjar kawentenang:
 - 1. Nyabran rahina Waraspati Umanis cihna suaran kulkul tanpa arah-arah duwaning sampun tetep panemayane;
 - 2. Napkala / padgatakala, maka jalaran arah-arahan manut tatujon.
 - ka. Paruman/sangkep sekaa-sekaa manut babuatan.
- (2) Soang-soang Paruman / sangkepan manut sekadi ring ajeng madudonan sakadi ring sor:
- ha. Prasida lumaksana risampune kateduning olih sang patut ngamiletin paling kidik atenga langkung adiri;
 - na. Cihna janggi/jam, pangawit kalaksanayang panyacak sep-sepan saha riwusan nyacak, ngetang dedosan ageng alit manut pararem.
 - ca. Sang ngamiletin paruman patut ngangge busana adat madya tur malinggih rikala sampun paparuman kakawitin;
 - ra. Tan kalugra makta gegawan saha luwirnya;
 - ka. Tan kalugra ngewetuang suwara gora utawi biota, yan wenten asapunika keni pamindanda beya pacamil kadi dandaning nguman-uman ring Sabha.
 - da. Tan maren mangarcana ring Ida Bhagawan Panyarikan, maka sarana upakara Cane sane kabakta olih sinoman soang-soang;

- ta. Prade sinalih tunggil sinoman tan makta cane ritakalaning parum sinoman punika patut keni pamidanda manut pararem;
 - sa. Pamutus bawos kausahayang pisan malarapan antuk gilik saguluk, briyuk sapanggul (musyawarah untuk mufakat).
- (3) Prade pidaging paruman tan kaingkupin, mangda prajuru utawi Pangenter Paruman ngilikang babawos, saha pamutusnya mangda kararemin olih krama Desa, bilih tan prasida kaingkupin jantos ping tiga, Prajuru wenang ngwilang suara, suara sane pinih akeh kangkat dados putusan paruman.

Pawos 28

- (1) Sajeroning paruman Desa, Bandesa patut nyobyahang/ nyiarang sapamargin ngenterang desa, pamekas ngeninin pariindik:
- ha. Munjuk lungsur ring Adat saha ayah-ayahan, sulur arta berana, druwen desa;
 - na. Rerincikang Prajuru ngeninin usaha Desa/Banjar kapungkur.
- (2) Pamutus paruman desa katetepang dados pararem maka pamitegep daging awig-awig.

Pawos 29

- (1) Sangkepan prajuru Desa kawenangan wantah ngarincikang usaha Desa kapungkur.
- (2) Sahanan rarincikan bilih-bilih rencana sane pacang niwakan tategenan ring krama patut kapikukuhang olih Sabha Desa.
- (3) Sangkepan prajuru Desa tan kawenang ngamedalang tategenan ring Krama, sadereng kaingkupin olih Krama Desa.
- (4) Pamutus paruman Dulu-dulu Desa/Sabha Desa katetepang dados pararem Desa, miwah pamutus Paruman Banjar katetepang dados Pararem Banjar.

- (5) Pamutus sangkepan Prajuru Desa/Banjar ngawetuang paswara, maka pidaging pituduh sang ngawewenang utawi ngonekang pecak daging Pararem Desa/Banjar.

Palet 5

Indik Druwen Desa

Pawos 30

Padruwen Desa Adat Pejeng Kawan sakadi ring sor :

ha. Kahyangan Desa luwire :

1. Pura Agung Batan Bingin;
2. Kahyangan Tiga : Pura Desa lan Bale Agung, Pura Puseh lan Pura Dalem;
3. Pura Melanting;
4. Pura Ulun Sui;
5. Pura Badugul;
6. Pura Prajapati Tatiapi; kaempon antuk Banjar Tatiapi, Banjar Tatiapi Kelod, lan Banjar Dukuh Kanginan;
7. Pura Prajapati Pura Dalem Bukit Buung: Kaempon antuk Banjar Dukuh Kawan, Banjar Dukuh Geria, lan Banjar Sala.

na. Wantilan Desa

ca. Palaba Pura miwah carik lan tegal manut ilikita;

ra. Karang ayahan Desa;

ka. Tanah Ulayat Desa;

da. Setra-setra palebahan, makadi setra pakingsan, setra pangarep;

ta. Lelangan, minakadi tetabuhan lan ilen-ilen padruwen Desa / babanjaran luwire:

1. Gong ring Desa lan Bebanjaran;
 2. Gong lan klentangan ring babanjaran;
 3. Ilen-ilen wali Pura;
 4. Miwah padruwen tiyosan.
- sa. Nyasa, sasanthi, lelanguan luire tatabuhan;
- wa. Lembaga Perkreditan Desa (LPD);
- la. Baga Usaha Padruwen Desa Adat;
- ma. Padruwen desa tiyosan manut pararem.

Pawos 30

Piolih-olihan Desa Adat Pejeng Kawan luire :

- ha. Pamupon laba Pura / laba Desa;
- na. Urunan Krama Desa Adat
- ca. Punia saking Krama Tamiu lan Tamiu manut Pararem ;
- ra. Sarin Canang ;
- ka. Paica saking guru wisesa, lan sane siosan sane patut.
- da. Usaha Desa Adat minakadi LPD.

Pawos 31

Prajuru Desa patut :

- ha. Ngetangang/ngenterang pamupon laba pura lan saluwiring druwen Desa manut kawigunan.
- na. Pikolih lan pamuponnya kaanggen prabeya wawangunan saha piodalan ring kahyangan Desa manut pararem.

- ca. Nyabran Paruman bilih bilih ring Paruman nganem sasih (210) prajuru pangamong druwen Desa patut nyinahang parindikan unjuk lungsuring padruwen Krama Desa.
- ra. Salwiring padruwen Desa patut wenten ilikitannya.
- ka. Tan kalugra ngadol utawi ngesahang padruwen Desa yan tan kaingkupin olih Krama Desa Adat Pejeng Kawan, utamane olih Sabha Desa.

Palet 6

Penyangran Banjar

Pawos 32

Krama Banjar rikala ngawentenan panca yadnya wenang kasanggra olih krama Banjar :

- ha. Prade wenten pinunas sinalih tunggil krama banjar rikala mayadnya :
 1. Yan I Krama Banjar punika ngawangun karya minakadi Dewa Yadnya, Manusa Yadnya, Butha Yadnya.
 2. Prade ngawangun karya Pitra Yadnya, Krama Banjar nyanggra apuputan karya sajawaning wenten pinunas tiyos sakeng sang ngawangun karya.
 3. Prade Krama Banjar mekarya sakeng semeng ngantos sore patut sang madruwe karya ngaturang pangu manut pararem.
- na. Ngarombo utawi makarya gotong royong ring sakuwuban Desa Adat Pejeng Kawan kasanggra olih krama Banjar.

CATHURTAS SARGAH
SUKERTA TATA AGAMA

Palet I

Indik Dewa Yandnya

Pawos 34

(1) Palinggih panyiwian Sawidangan Desa Adat Pejeng Kawan luire:

ha. Pura Agung Batan Bingin.

na. Kahyangan Tiga :

1. Pura Desa / Bale Agung;
2. Pura Puseh;
3. Pura Pucak Bukit Buwung;
4. Pura Dalem Pucak Bukit Buung;
5. Pura Dalem Tatiapi;
6. Pura Dalem Dukuh Kanginan; lan
7. Pura Prajapati Banjar Sala, Banjar Dukuh Gria, lan Banjar Dukuh Kawan;
8. Pura Prajapati Banjar Tatiapi, Banjar Tatiapi Kelod, lan Banjar Dukuh Kanginan.

ca. Pura Alas Arum / Ulun Sui

ra. Pura Badugul.

ka. Pura Pelankiran lan Pura Beji ring suang-suang babanjaran

da. Pura Melanting lan Palinggih Ratu Gede

(2) Piodalan ring soang-soang Kahyangan inucap sakadi ring sor puniki :

ha. Pura Agung Batan Bingin, rikala Purnama Sada

na. Pura Desa / Bale Agung, rikala Purnama Sada;

- ca. Pura Puseh, rikala Purnamanig Sada;
 - ra. Pura Pucak Bukit Buwung, rikala Purnama keenem;
 - ka. Pura Dalem Pucak Bukit Buung, rikala Purnama keenem;
 - da. Pura Dalem Tatiapi, rikala Anggara Kliwon Kulantir;
 - ta. Pura Dalem Dukuh Kanginan, rikala Anggara Kliwon Julungwangi;
 - sa. Pura Prajapati Dalem Bukit Buung, kaempon antuk Banjar Sala, Banjar Dukuh Gria, lan Banjar Dukuh Kawan, rikala Purnama Kenem;
 - wa. Pura Prajapati Tatiapi, kaempon antuk Banjar Tatiapi, Banjar Tatiapi Kelod, lan Banjar Dukuh Kanginan, rikala Anggara Kliwon Kulantir;
 - la. Pura Alas Arum / Ulun Sui, rikala Budha Umanis Prangbakat;
 - ma. Pura Badugul, rikala Budha Umanis Prangbakat;
 - ga. Pura Pelangkiran lan Pura Beji ring suang-suang Babanjaran manut Pararem Banjar;
 - ba. Pura Melanting lan Palinggih Ratu Gede, rikala Purnama Sada;
 - nga. Pura Penataran Agung, rikala Budha Wage Kelawu;
 - pa. Pura Dalem Tengaling, genahnya ring Desa Adat Jero Kuta Pejeng, Piodalan ring Anggara Kliwon Parangbakat.
- (3) Pangaci ring Pura inucap manut kecap Sastra Agama saha kalaksanayang Nista, Madya, Utama manut kawentenan lan pararem;
- (4) Pangempon soang-soang Pura manut dresta kadi ring sor :
- ha. Pura Agung Batan Bingin, kaempon olih Krama Desa Adat Pejeng Kawan;
 - na. Pura Desa/Bale Agung, kaempon olih Krama Desa Adat Pejeng Kawan;
 - ca. Pura Puseh, kaempon olih Krama Desa Adat Pejeng Kawan;

- ra. Pura Melanting lan Palinggih Ratu Gede, kaempon olih Krama Desa Adat Pejeng Kawan;
- ka. Pura-Pura siosan minakadi:
1. Pura Pucak Bukit Buwung, kaempon olih Banjar /Warga Banjar Dukuh Kawan, Banjar Dukuh Geria, Banjar Sala;
 2. Pura Dalem Pucak Bukit Buung, kaempon olih banjar / warga Banjar Dukuh Kawan, Banjar Dukuh Geria, Banjar Sala;
 3. Pura Dalem Tatiapi, Kaempon olih Banjar / warga Banjar Tatiapi, Banjar Tatiapi Kelod, sajawaning warga sane sampun ngamong ring Pura Dalem Tangaling, Desa Adat Jro Kuta Pejeng ;
 4. Pura Dalem Dukuh Kanginan, Kaempun olih Banjar Dukuh Kanginan;
 5. Pura Prajapati Dalem Bukit Buung Kaempon Banjar Dukuh Kawan, Banjar Dukuh Geria, lan Banjar Sala;
 6. Pura Prajapati Tatiapi, kaempon olih Banjar Tatiapi, Banjar Tatiapi Kelod, lan Banjar Dukuh Kanginan;
 7. Pura Alas Arum / Ulun Sui kaempon olih Subak Panamparan, Subak Sala, Subak Truna, Subak Celantung Kauh, Subak Celantung Kangin, Subak Delod Dukuh, (Subak Padang Sigi sane wenten ring Desa Adat Pejeng Kawan);
 8. Pura Badugul, kaempon Subak Celantung Kangin, Subak Celantung Kauh, Subak Delod Dukuh;
 9. Pura Pelangkiran lan Pura Beji ring suang-suang Babanjaran, kaempon olih suang-suang Banjar;

10. Pura Melanting lan Palinggih Ratu Gedé, kaempun Krama Desa Adat Pejeng Kawon;
11. Pura Dalem Tangaling kaempun olih Desa Adat Ijo Kuta Pejeng miwah Sametonan Dalem Pamayon sane wenten ring Desa Adat Pejeng Kawon;
12. Pura Penataran Agung, kaempun olih Kasatria lan panjak ring Tatiapi Kelod.

da. Pesiraman :

1. Pura pesiraman Babung Banjar Tatiapi, piodalan Anggara Kliwon Julungwangi, kaempun olih Krama Banjar Tatiapi;
2. Pura Pesiraman Tirta Nadi, Banjar Tatiapi Kelod, piodalan Saniscara Kliwon Landep, kaempun olih Banjar Tatiapi Kelod;
3. Pura Pesiraman Tirta Haram, Banjar Dukuh Kanginan, piodalan Saniscara Kliwon Landep, kaempun olih Banjar Dukuh Kanginan;
4. Pura Pesiraman Beji Iban, Banjar Dukuh Kawon, piodalan Waraspati Kliwon Menul, kaempun olih Banjar Dukuh Kawon;
5. Pura Pesiraman Beji Taman Sari, Banjar Dukuh Geria, piodalan Saniscara Kliwon Wangsa, kaempun olih Banjar Dukuh Geria;
6. Pura Pesiraman Beji Saha, Banjar Saha, piodalan Buda Kliwon Liga, kaempun olih Banjar Saha.

- (1) Ring Pura suang-suang inucap wenang kaadegan Pamangku.
- (2) Ngadegang pamangku manut dadudon:
 - ha Nyanjan utawi masemurang, suang-suang mapiteges mapinunas ring ajeng pura wiadin ka dura desa menawi ring Balian Sonteng lan sapanunggilnyane;
 - na Turunan utawi waris;
 - ca Kacatri olih krama.
 - ra Ngamargiang lekesan
- (3) Ngadegang Pamangku patut ngeninin gaguwat sane manut ring indik Kapamangkuan saha tan lempas ring Sastra Agama.
- (4) Tan wenang anggen Pemangku luwire :
 - ha Wong Cedangga; peceng, perot, cungh lan sapanunggilannya
 - na Sang sapa sira ugi sane tan kapatutang manut pararem minakadi :
 1. Jatma buduh;
 2. Jatma ayan, sakit ila, jatma babinjat;
 3. Sane tan Madruwe kasucian urip.
 - ca Wong sane Kanorayang / tan kaanggehan manut Pararem.
- (5) Prabea Kapamangkuan :
 - ha Adhiksa Widhi (ngawintenang) kamedalin saha kalaksanayang olih sang ngadegang, makadi Krama Desa utawi krama pangempon pura soang-soang;
 - na Pitra Yadnya riwekas kalaksanayang taler kasungkemin olih Krama Desa / Pangemong manut Pararem :
 1. Prade pamangku Kahyangan Tiga lebar/seda patut kapalebong pramangkin manut padewasan tan wenang kapendem;

2. Upakarnya kaingkupin olih Krama Desa tur pamargine sawa prateka ngantos nganyut;
 3. Prade pamangku Manca Ageng lan Manca Alit lebar/seda patut kapalebonang pramangkin manut padewasan;
 4. Prade pamangku Manca Ageng lan Manca Alit lebar/seda kapalebonang saking Desa Adat wenten Punia manut Pararem.
- (6) Pemangku patut ngamanggehang sesananing pamangku manut sastra agama luwire:
- ha. Ambek dharma sadhu;
 - na. Asewaka Dharma, makadang sastra Utama;
 - ca. Tan parek ring naya dustha;
 - ra. Tan atayub ring tarub camara yuda;
 - ka. Tan manjing ring umah wong banija krama;
 - da. Tan manjing ring umah wong drati krama;
 - ta. Tan pati pikul-pikulan;
 - sa. Tan pati salah sulub;
 - wa. Tan anginum asing angawe mada;
 - la. Tan agriganing wong akweh;
 - ma. Tan keneng cuntaka ring wong akweh sajawanin kulawarganya tunggil natah utawi pasiwannya manut dresta;
 - ga. Tan wenang ajajuden miwah sane tiyosan;
 - ba. Tan wenang anayub upadrawaning cor yan mawiyawahara teka wenang adewa saksi.
- (7) Prade Mamurug wenang pemangku anyepuhin raga kasaksiang olih prajuru. Yan pacang ngalap rabi wenang ngaturan rumahun pawintenannya ring pura genahnya madeg pamangku nguni, wawu wenang ngalap rabi. Riwus upacara wenang ngewana wasa selaminya atahun, wus punika wawu mawinten sekadi pawintenan nguni sareng rabi.

(8) Swadharmaning pamangku luwire :

- ha. Tan mari Asewaka Dharma Astiti Bakti ring Sasuwunan pamekas ring Ida Sang Hyang Widhi Wasa.
- na. Ngenterang/ngastawayang upacara - upacara piodalan ring Kahyangan manut Nista, Madya lan Utama ring aci sane kemargiang saha tan lempas ring kawenangan Pamangku manut Sastra Agama lan Dresta, miwah ring soang-soang pakubon krama;
- ca. Ngastawayang sahananing ritatkala ring Kahyangan wenten Krama pacang ngaturan punia yasa , nunas tirta pamuput aci;
- ra. Ngelaksanayang sahanan pabuat suci ring Kahyangan, nedunang miwah ngalinggihang Ida Bhatara utawi Pralingga;
- ka. Ngaturang aci nangken rerainan Kajeng Kliwon, Purnama, Tilem, miwah rerainan tiyosan;
- da. Nuntun krama Desa mangda astiti bhakti ring Ida Sang Hyang Widhi Wasa, saha tan mari malaksana sane manut ring Agama;
- ta. Pamangku-pamangku Kahyangan Desa kayogya nyiratang tirta ring krama, sakewanten mantuk ring sane kasinanggeh kasinggihang, sadurung nyiratin mangda mapinunas ring sane kasinggihang punika;
- sa. Pamangku tan wenang salab-sulub ring sahananing sane kasinanggeh cemer, prade mamurug wenang Pamangku inucap nyepuhin raga;
- wa. prade wenten Pamangku kapialang / cuntaka, dados nguntap Pamangku Kahyangan Desa sane tiyosan sewewidangan Desa Adat Pejeng Kawan, utawi nuwur sang Sulinggih;
- la. Yening Pamangku sampun ngayah ring Pura, raris wenten kaluwarganya seda, Pamangku tan keneng cuntaka , sakewanten Pamangku tan budal salami piodalan/aci tiyosan;

ma. Pamangku tan keneng cuntaka, sajawaning kulawarganya tunggil natar utawi pasiwanya.

Pawos 36

(1) Ritakala ngenteran pathirtan ring kahyangan utawi Pura Pamangku kahyangan inucap patut:

ha. Pinaka pangenter pangarep ring kahyangan utawi Pura inucap;

na. Yogya polih pangrombo saking pamangku tiyosan;

ca. Yogya niwakan pituduh ring Pamangku sanak / Pamangku tiyosan lan krama Desa.

(2) Prade Pamangku keni ujar ala/wak parusya, ulah ala Pamangku inucap patut kaprascitain Desa, sang maweh letuh keni pamidanda manut pararem.

(3) Prade Pamangku melaksana tan patut/nilar sesana, patut katunasang pamatut ring sang sane patut maosin.

Pawos 37

(1) Sahananing aturan-aturan/sesangi, sesari lsp kepah manut pararem

(2) Sang sane pacang maturan/mapanauran sekadi inucap ring ajeng, patut masadok ring Pamangku utawi Prajuru. Risampun kaastawayang, aturan inucap patut kaunggahang ring ilikita.

(3) Sahananing aturan inucap patut kaanggen ring Pura inucap manut wipunannya.

Pawos 38

Patiyas utawi olih-olihan pamangku luire :

ha. Sarin canang sowing-sowang ring pura sane kaempon katur;

na. Upon-upon palaba pura sane kakaryanin;

ca. Luput pakaryan, rerampen/ reramon, padagingan (luput manuk) manut pararem;

- ra. Prade Pamangku opname tigang rahina kaluhur patut polih prabea, manut ring genah amongan pamangku manut Pararem;
- ka. Patiyas sewosan manut pararem.

Pawos 39

Pamangku kagentosin riantuan :

- ha. Seda;
- na. Pinunas ngaraga manawi kageringan lan sapanunggalnya;
- ca. Kauwusang olih krama desa sangkanin nilar sasana;
- ra. Prade pamangku kawusan sangkaning malaksana nilar sasana patut keni pamidanda manut pararem saha ngawaliang prabia pawintenan pecak manut pararem; lan
- ka. Prade Pamangku malih ngalap rabi sangkaning patut, patut Pamangku ngawintenang raga.

Pawos 40

(1) Kasukertan Kahyangan kadi ring sor :

ha. Tan kalugra ngaranjing ka pura luire :

- 1) sang katiben cuntaka, sebel kandel ring raga;
- 2) makta bebaktan sinanggeh ngaletchin;
- 3) sato agung, sajawaning rikala mapepada;
- 4) mabusana tan manut kadi tata caraning ngaranjing kapura sadereng polih wakan saking prajuru desa;
- 5) mobot tan wenten ngangkenin (Mitra Ngalang), jatma babinjat sadereng maprayascita;lan
- 6) sahanan sane tan kapatutan manut sastra Agama duaning sinanggeh ngeletchin.

na. yan wenten mamurug kecap ring ajeng, keni pamidanda manut pararem saha parayascita manut kecapin sastra agama.

(2) Pratingkahe tan wenang ring pura :

ha. masumpah sajawaning pituduh Prajuru Desa utawi sang ngawawenang;

na. mawarih, Mabacin, Macecepin, Masanggama, Makolem dados asiki lanang wadon, majengilan/majaljal, wakparusya, nyangsang busana sejawanin sulinggih lan pregina, Menehin Pusungan, seantukan punika rikala majajahitan patut magelung busung macengger lidinya;

ca. mungguh tedun palinggih sajawaning pituduh prajuru.

(3) Prade wenten sinalih tunggil krama mamurug kecap pawos ring ajeng, patut sang malaksana kakenenin pamidanda manut pararem saha pamrayas cita.

(4) Prade wenten krama sane ngambil utawi nuduk druwen anak liyan ring pura wiyadin banten masilur, patut sang nuduk wiadin banten masilur masadok digelis ring prajuru utawi pamangku pura.

Pawos 41

(1) Yan wenten jadm karawuhan ring pura utawi upacara ring umum, dados kapintonin prade rumasa kasangsayan mangda kacihnayang antuk kasiramin toya kumkuman suci, pradene belus macihna tan kalinggihin Dewa/Widhi, sang karauhan inucap kadanda manut pararem.

(2) Pradene Kahyangan katiben durmangala, minakadi bhaya, Pamangku utawi sang sane manggihin, patut rigelis nyadokan ring Prajuru, mangde Prajuru marumang krama Desa / Sabha Desa tur ngawentenang prayascita sapatutnya.

(3) Yan wenten wong edan janten ngarusak palinggih, utawi maparilaksana tiosan ring pura, patut Desa ngamecikan sahanan sane karusak tur kaupacara manut sastra Agama. Kaluwarga sang sane buduh / edan keni pamidanda manut pararem.

Pawos 42

Sane wenang muputan karya / yadnya ring kahyangan sejebag Desa Adat Pejeng

Kawan manut bisama warisan Leluhur inggih punika;

- ha. ida peranda griha sanur, ida peranda griha sanding, ida peranda griha gede;
- na. yan prade maketiga ida peranda nenten wenten, nuur ida peranda manut paruman Sabha Desa;lan
- ca. yan prade ketigang griha inucap nenten wenten sang meraga pandita (putung) dados nuur pandita manut paruman Sabha Desa.

PALET : 2

Indik Resi Yadnya

Pawos 43

Sang pacang madwijati patut;

- ha. Pinih riin patut polih panugrahang saking Parisada Hindu Dharma Indonesia, makacihna sang pacang madwijati sampun katitenin utawi katureksain indik sahanan kawentenanya / kaweruhannya manut dharma lan sasana sane pacang kemargiang;
- na. Kawentenan pasadok ring Prajuru Desa:
- ca. Prajuru Desa nitenin / nureksin kahanan angga lan laksana sang pacang madwijati mangda jati -jati tan lempas ring sastra Agama lan Dresta;
- ra. Prade ngalempasin / nyasar, tan manut linggih Sang Hyang Agama miwah Dresta, prajuru wenang ngandeg;
- ka. Risampun puput acaranya, prajuru Desa patut nyobyahang indik kehanan lan pamargin Ida Sang Madwijati.

Pawon 44

- (1) Sang sulinggih lan pamungku sane wenten ring Desa Adat Pejeng Kawan patut ngaturang mapung ring wawidangan Desa Adat Pejeng Kawan, sasampun pinaka wawa mapung yadnya kejebar tiis desa utawi ke dum desa.
- (2) Krana desa sami patut sareng ngawas nitenin katuntun olih prajuru / dudu-duda, mangda sabanten yadnya sane kawentenang kaicen pamuput olih pandita / sulinggih utawi pinandita manut kawenangannya suang-suang manut pararem.
- (3) Sane patut ngenterang / niwakang padewasan lan upakara ring Desa Adat Pejeng Kawan mapinunas ring Bhagawanta / panglingsir utawi Bodesa Adat Pejeng Kawan.

Pawon 45

- (1) Sang mawinten sane pacang ngusadin utawi sakaluwirnya, pacang ngenterang yadnya manut dalemna patut masadok ring Prajuru Desa kalih ring Parisada Hindu Dharma Indonesia. Lan Prajuru Desa ngawas nitenin kawentennya tur nyobyahang indik tatapan pamargin sang mawinten sawuling wates kawenangannya.
- (2) Prade sang pacang mawinten tan manut ring kacap sastra Agama lan Dresta Prajuru wewang ngandeg pawintenananya.

Pawon 46

Ide sang sulinggih sane kradegang pinaka guru loka palasnya kapatutang sekadi ring sor:

- la. Pinaka pamuntun Krana Desa indik Tawar, Sasila lan Upacara Agama.
- na. Muput Yadnya lan Upacara ring Kabuyutan utawi Upacara Yadnya Krana Desa manut dresta, panakanya manut daging Sastra Agama.
- ca. Ngicening dharna tatimbang mawit ring Kertha Desa rikala niwakang pamutus lan panyangastana pamrayasita mawit ring sang melaksana kawon utawi dukoni.

- ra. Tan wenang muput upacara-upakara yadnya sane Kantun sajeroning wicara / biyota.

Pawos 47

- ha. Ritatkala padiksan lan upacara patywa – tiwan Sang Sulinggih, Desa patut ngaturang punia manut pararem.
- na. Krama Desa patut ngaturang punia ring Sang Sulinggih sane sampun ngamargiang utawi muputang Upacara Yadnya sane kelaksanayang olih Krama Desa.
- ca. Prajuru patut nuntun Krama Desa mingsingghang utawi mikukuhang linggih sang sujana sami manut linggihnyane
- ra. Prajuru Desa patut teleb sregep nunas ajah ring sang Pandita utawi para sujana tiyosan tan mari mawasana kasutreptian lan karahayuan Desa manut Sastra Agama.

Pawos 48

- ha. Sang Sulinggih patut ngariinang ngrayunang / muputang Yadnya ring wewidangan Desa Adat Pejeng Kawan, sasampune punika wawu muputang Yadnya ka dura Desa
- na. Prade mamurug, punapi malih mabukti nyasar laku madasar Tri Pramana (Bukti, Saksi, Ilikita), Sang Pandita / Pinandita patut katunasan ring Nabeh Ida utawi ring sang patut ngicenin panepas.

Palet : 3

Indik Pitra Yadnya

Pawos 49

Pamargin Pitra Yadnya madudonan manut sekadi ring sor:

- ha. Upacara sang kalayusekaran :
 - 1) Mendem utawi ngeseng makacihna makingsan ring ibu pertiwi utawi ring Geni salami nuptupang prabia;lan

2) Atiwa-tiwa (upacara pangabenan / palebon).

na. Atiwa-tiwa upacara pengabenan (Palebon) upacara pitra yadnya riwusan pangabenan ngeraris munggah daun bingin utawi ngeroras manut dudonan Atma Wedana.

Pawos 50

Swadharmaning lan tategenan krama Banjar prade wenten sinalih tunggil krama kelayusekaran :

ha. Sang kaduhkitan patut :

1. Nyadokang ring Kelihan tur nunas tatimbang ring kawentenannya;
2. Ngaturin Banjar ngerombo makarya eteh-ete sawa saha nganter ka setra, tur ngaturan panyembrama canang sasidan-sidan.

na. Swardharmaning Banjar

1. Kelihan Banjar maritatas pamargin sang kaduhkitan napike pacang kapendem, makingsan riin utawai kalanturang kaabenan/kapalebonan;
2. Prade kapendem, raris kaswarayang kulkul pamitahu manut pawos 19 (3) aksara na olih Kelihan Banjar utawi wakilnya.
3. Panyangran banjar salanturnyane :
 - i. Suang-suang krama banjar nedunan patus manut pararem;
 - ii. Ngarombo ngaryanin eteh-ete sawa, kasarengin olih krama sane rawuh ngarombo;
 - iii. Sami krama banjar nganter ka Setra jantos puput pamendemane.

ca. Tan kengin ngalelet langkungan ring 3 (Tigang) rahina sajawaning pacang kapalebonang, tur patut polih pagebagan manut paetangan Kelian Patas/Banjar.

ra. Tan Kaluarga nginepan bangbang miwah mendem rikala :

Semut Sadulur, Kala Gotongan, Pasah, Kliwon, Kajeng Kliwon, Soma Umanis Taulu, Was Penganten, Ingkel Wong, Prawani, Purnama, Tilem, Rerahinan Jagat.

ka. Prade wenten kalayusekaran rikala piadulun, kengin mendem tanpa sadok, tan nyurwarayang kulkañ tu mamargi wengi sasiliban ka Serra. Indik upakara :

1. Prade seda sajeroning wenten Upacara sajabag ring kahyangan Desa Adm Pejeng Kawan tan kadodasang ngamargiang upacara kalayusekaran sajabaning upakara Pejatu pamulaspas bangbang. Indik upakara salanturanyane sasampunne wenten wak-wakan dewasa.
2. Prade seda sajeroning aksara ra ring ajeng upakaranyane manut kadi upakaraning sang seda nangging durung polih/wenten kadodasang ngamargiang Tirta Pangentas.

da. Pamargin pamendeman utawi palebonan mangda nganutin Sastra Agama lan Dresta.

Pawes 51

(1) Cuntaka luiripun:

- ha. cuntaka antuk Ngaraja sewala (case lanang Ngaraja Singa, sane istri Ngaraja Sewala);
- na. cuntaka antuk Ngombasang putra;
- ca. cuntaka antuk Karawon;
- ra. cuntaka antuk Sakti Ila / Induh;
- ka. cuntaka antuk Pawiwahan;
- da. cuntaka antuk Gamis pamana salah tingui;
- ta. cuntaka antuk Yening wenten anak istri mihak nenten kaupakarayang patihkawanan miwah pawidhiwidana;
- sa. cuntaka antuk Manire gasing;
- wa. cuntaka antuk Yening wenten anak istri ngamalahin putra salitunge maupakara patihkawanan miwah pawidhiwidana.

(2) Sengker Cuntaka manut kawentenannya :

- ha. Cuntaka Kelayusekaran, cuntaka kaanutang ring loka dresta Desa Adat ring suang-suang banjar;
- na. Cuntaka Ngeraja sewala, 3 (tigang) rahina ngawit saking ngeraja sewala utawi selamaning ngeraja sewala;
- ca. Cuntaka Ngembas putra, 42 (petang dasa kalih) rahina (abulan pitung rahina) ngawit saking putrane embas, inggih punika sane istri lan putra sane embas indik sane lanang cuntakannya 12 (roras) rahina;
- ra. Cuntaka Karuron, cuntakanya 42 (abulan pitung rahina) tur sampun matirta pamrayascita;
- ka. Cuntaka Sakit Ila, Buduh/edan, cuntakanya manut ilikita pastika saking sang ngawiwewang/sang Nambanin miwah sampu maprayascitta raga;
- da. Cuntaka Pawiwahan, cuntakannya ngantos sasampune matirta pabiukawonan;
- ta. Cuntaka Gamia Gamana, cuntakanya ngantos sasampune kepalasang/kesapihang tur sampun kewentenang pamrayascitta raga miwah pamrayascitta Desa Adat/Kahyangan ;
- sa. Cuntaka salah timpal kapuputan manut ring sastra Agama Hindu ;
- wa. Cuntaka anak istri mobot nenten kawentenan upakara pabiukawonan, cuntakannya ngantos kawentenang upakara pabiukawonan ;
- la. Cuntaka Mamitra Ngalang, cuntakanya ngantos kawentenang upakara pabiukawonan ;
- ma. Ngembasang putra nenten kawentenang upakaraa pabiukawonan miwah pawidiwidana, cuntakanya ngantos wenten sane memeras sang putra, lan sampun kawentenang upakara manut ring sastra Agama Hindu ;

Upacara. Cuntaka Sad Tatayi, cuntakanya ngantos sampun maprayascitta raga
tur nenten pisan dados ngamargiang upacara padwijatian.

(3) Cuntaka Kalayu Sekaran / Kapademan :

ha. Kapendem Cuntakanya manut pararem

na. Kaabenan/Kapalebon Cuntakannya manut pararem

(4) Sane Katiben Cuntakan luwire :

ha. Kelayusekaran sane kacuntakan

1) Sang sane kalayusekaran

2) Kulawarganya

3) Babanjaran

na. Ngaraja sawala sane kacuntakan :

sang sane ngaraja sawala.

ca. Ngembasang putra sane kacuntakan :

sane ngembasang putra lanang lan istri

ra. Pawiwahan sane kacuntakan :

sang sane ngelaksanayang pawiwahan lanang lan istri.

ka. Sakit ila / buduh, sane kacuntakan ragannya newek.

da. Karuron sane kacuntakan :

kaluwargannya lanang lan istri.

ta. Gamia Gamana, sane kacuntakan:

1) Sang sane ngalaksanayang gamia gamana;

2) Desa Adatnyane / Kahyangan.

sa. Salah Timpal, sane kacuntakan:

1) Sang sane melaksana salah timpal;

2) Kulawargannya;

3) Desa Adat / Kahyangan.

- wa. Anak isteri mobot nenten kawntenang upacara pabiukawonan sane kacuntakan; sane maraga istri (sane mobot)
- la. Mamitra Ngalang, sane kacuntakan ;
sane ngelaksanayang mamitra ngalang
- ma. Ngembasang putra nenten kawntenang upakara pabiukawonan miwah upakara pawidiwidana, sane kacuntakan ;
- 1) Sang sane ngembasang putra
- 2) Putra sane embas
- ga. Sad Tatayi, sane kacuntakan ;
sane malaksana Sad Tatayi.
- (5) Tan Keneng cuntaka luwire :
- ha. Sang sulinggih miwah Pamangku Kahyangan Tiga.
- na. Rikala piodalan sasampun ngalang sasih / ngalang tengah.

Pawos 52

- (1) Atiwa-tiwa (Pangabenan) kalaksanayang antuk:
- ha. Sawa Prateka, pengabenan mawatang sawa, manut pararem;
- na. Sawa Resi, pengabenan mawatang antuk sawa kresyan;
- ca. Suwasta, pengabenan mawatang sawa sane tan kakeniang, kagentosin antuk lalang utawi toya.
- (2) Panamayan pangabenan wenten kalih pawos :
- ha. Ngaben dadakan/bah bangun manut pararem ;
- na. Ngaben ngamasa, manut pararem ;
- (3) Dudonan pangabenan ngawit saking ngendag/seda, ngeseng ngantos pangiriman utawi nganyut.

Pawos 53

(1) Peputusan pengabenan wenten kalih soroh ;

ha. Ngaben ngamasa luwire: beras, ayam, kelapa, gesing, papah jaka, kelangsah miwah sane tiosan manut pararem.

na. Ngaben dadakan patch sakadi patus seda kapendem.

(2) Pangingune ring Krama Banjar manut pararem.

Palet 4

Indik Manusia Yadnya

Pawos 54

(1) Manusa Yadnya inggih punika upakara-upakara dharmaning kahuripan manusa, mawit sakeng patemoning kama bang kalawan kama petak sajeroning garbha ngantos kalayu sekaran riwekas.

(2) Upakara ring ajeng madudonan sakadi ring sor :

ha. Magedong-gedongan duk pangerempinian ibiang ;

na. Duk sang kamareka medal ;

ca. Kepus odel;

ra. Roras rahina;

ka. Nutug kambuhan (42 rahina);

da. Tigang sasih/nelubulanin ;

ta. Pawetuan/otonan (6 sasih);

sa. Tutug kelih (ngraja swala wadone, ngembakin lanangne);

wa. Matatah (mapandes);

la. Mawiwaha;

ma. Mawinten.

(3) Upakara-upakara inucap nista, madya, utama manut sastra Agama Hindu

Palet 5

Indik Butha Yadnya

Pawos 55

- (1) Bhuta yadnya inggih punika upacara-upakara byakala ring Pratiwi lan Kahyangan, sarwa prani saha upacara-upacara ring babuthan miwah ring piranti sewosan.
- (2) Upacara Pabyakala ring sarwa prani, sarwa tumuwuh muwang piranti luwire :
 - ha. Ring sarwa lelandep rikala Saniscara Kliwon Wara Landep;
 - na. Ring sarwa tumuwuh lan piranti rikala Saniscara Kliwon Wara Wariga;
 - ca. Ring sarwa syandana/wahana rikala Saniscara Kliwon Wara Kuningan;
 - ra. Ring sarwa lelanguan rikala Saniscara Kliwon Wara Krulut;
 - ka. Ring sarwa ingon-ingon rikala Saniscara Kliwon Wara Uye;
 - da. Ring sarwa ringgit, ukir-ukiran rikala Saniscara Kliwon Wara Wayang;lan
 - ta. Pakala-kalan manusa manut widi widana kabawos pabyakala.
- (3) Upacara pabyakala ring pratiwi. Kahyangan lan Babuthan kawastaning macaru
- (4) Pacaruan inucap Ring nista, madya, utama manut wiguna kadi ring sor :
 - ha. Eka sata;
 - na. Panca sata;
 - ca. Panca sanak;
 - ra. Panca kelud;
 - ka. Resi gana; lan
 - da. Tawur agung.

- (5) Sajawaning kadi ring ajeng kawentenang upakara:
- ha. Majot-jotan utawi yadnya sesa nyabran wusan ngarateng;
 - na. Masapuh-sapuh rikala pacang wali ring Pura; lan
 - ca. Pacaruan pasasihlan kalaksanayang nangken Tilem ngawit sasih ka 5, 6, 7, 8 lan ke 9, sajawaning durbiksan jagat.

Pawos 56

- (1) Nangken ngawarsa rikalaning Tilem Kasanga kawentenang tawur kesanga. Kalanturang antuk ngarupuk, maka cihna pacang mapag rahina penyepian benjangne.
- (2) Brata panyepian sane kamargiang olih krama desa :
- ha. Amati geni ; tan kengin maapi-api;
 - na. Amati karya ; tan kengin nyambut karya ;
 - ca. Amati lelanguan ; tan kengin maoneng-onengan masuara gora, lan sapanunggalannya
 - ra. Amati lelungan ; tan dados malancaran.
- (3) Pabratan inucap kamargiang ngawit semeng ngantos semeng benjangne raris kasuwarayang kulkul punika cihna pangembak.
- (4) Sang mamurug kecap ring ajeng keni pamidanda manut pararem banjar (tempek suang-suang kamargiang olih patelik / pecalang desa).
- (5) Riwusan rahina Nycpi (benjangne) maka cihna ngawit Isaka Warsa, patut warga desa sami madharma santi.

PANCAMA SARGAH
SUKERTA TATA PAWONGAN

Palet I

Indik Pawiwahan

Pawos 57

- (1) Pawiwahan inggih punika patemon purusa kalawan pradana, malarapan panunggalan kayun suka lila kadulurin upasaksi sakala niskala.
- (2) Pamargin Pawiwahan luwire:
 - ha. Pepadikan, kamanggala antuk pakrunayan;
 - na. Ngarorod, marangkat riin wawu kakrunayan;
 - ca. Nyeburin utawi sentana nyeburin (risampun nganutin upakara pawidi widana);
 - ra. Pawiwahan pada gelahang.
- (3) Pidabdab sang mawiwaha patut:
 - ha. Sampun manggeh deha- teruna (prasida nganutin undang-undang);
 - na. Sangkaning pawiwahan pada lila (tan kapaksa);
 - ca. Manut kecap sastra agama (tan gamia gamana);
 - ra. Kasudiwadani yaning prade pengambilan tiyos agama;
- (4) Pamargin pawiwahan mangda taler nganutin Undang-undang Perkawinan saking sang ngawawenang.

Pawos 58

- (1) Pawiwahan sane kapatutang ring desa, sakadi ring sor:
 - ha. sampun kamargiang pabyakala utawi pasakapan, kasaksiang sakala niskala olih pandita utawi pinandita, yan nenten ngemargiang pabyakalan wiadin pasakapan beten patut:

- 1) Tan kalugra ngeranjing ka Kahyangan Tiga wladin ka Sawah, yan mapurug patut mabalik sumpah ring Kahyangan Tiga utawi ring Sawah.
 - 2) Tan kalugra ngaranjing keplsaga, yan mapurug patut keni danda antuk pecaaran ayam brumbun aski.
- na. Wenten pasuksi prajuru/dulu-dulu sane mapakelingan utawi ngilikitayang pawiwahan ;
- ca. Sampun matengeran suaran kulkul ;
- ra. Pawiwahan inucap ring ajeng sampun kacatetang ring sang ngawawenang.
- (2) Pawiwahan sane tan manut kadi kacap ring ajeng sinanggeh tan patut.

Pawos 59

Tata caraning pawiwahan patut sakadi ring sor :

- (1) Sapa sira ugi pacang ngawarangang pakulawargannya patut masadok ring prajuru / dulu-dulu, selanturnya prajuru/dulu maritatas manut tan manut pamargin parabianne ;
- (2) Pamargin pepadikan manut dudonan :
 - ha. Pakrunayan jantos ping tiga, saha soang-soang melarapan ;
 - 1) Kapertama antuk canang /sedah;
 - 2) Kaping kalih antuk canang pangrawos;lan
 - 3) Kaping tiga antuk daksina pejati kabawos pamuput pepadikan.
 - na. Risampun puput raris sang isteri kaajak budal ring pakubon sang lanang, saha kalanturan antuk pabyakalan/pasakapan.

- ca. Mangda puput tumus sakala niskala, raris kaluwarga purusa makta pajati ring Pamerajan wadone.
- (3) Prade ngarorod / marangkat patut :
- ha. Reraman lanange ngawentenang pamilaku / panganduh antuk duta sakirangnya 2 (kalih) diri tur makta surat saking prajuru adat / dinas.
- na. Pagenahan antene tan kengin ring pakubon sang lanang sadereng mabyakala/pasakapan.
- (4) Sajeroning pakrunayan/pangelukuan patut :
- ha. Kamanggala antuk geng pengampura arep ring reraman wadonne ;
- na. Kaigumang baos idih pakidih utawi palegayan arep ring pasewakan sang ngidih saha dewasa pakerabkambenyane riwekas ;
- ca. Kacihnayang indik kapurusa utawi prade sentana rajeg kajejerang kapatut ngidih anak lanang sane kabawos pawiwahan nyeburin, tur risampun sulur pamerasan kategepin kemanggehin sentana nyeburin ;
- ra. Prade tan terima bawos pakrunayan kamargian jantos ping tiga kewastanin sampun puput.
- ka. Yan nenten katerima kantos pang tiga pabiakala/pasakapan tetep mamargi.
- (5) Pakerabkambeyan mapiteges upacara tinas apadang (puput) mapakuren, duwaning manut sakadi ring sor:
- ha. Sajeroning kabawos ambe, kalaksanayang ring sakala niskala maserana jejauman miwah pawidiwidana;

- 1) Jejauman pinaka ngambe/ngadungang kayun soang-soang pakulawangan wadonne; lan
 - 2) Widi widana pinaka pejati niskala nunas wadonne ring pamrajannya.
- na. Sajeroning bawos kerab pamargi ring sakala:
- 1) Antuk pasaksi Krama Banjar, duwaning kapawiwahang matengeran swaran kulkul ;lan
 - 2) Pamekas pasaksi prajuru/dulu-dulu sane ngilikitayang.

Palet 2

Indik Nyapian

Pawos 60

- (1) Pawiwahan prasida kawusang malarapan antuk palas marabian utawi padem lanang wiadin istri.
- (2) Wusan mapakuren riantukan salah sinunggil mapiteges balu, makadi balu lanang / istri.
- (3) Palas marabian inggih punika sangkaning mawiwit wicara.
- (4) Sajeroning alakirabi sinalih tunggil budal tur jenek ring puri pabajangan langkung ring 6 (enam) sasih / 210 rahina, sinanggeh palas alakirabi.
- (5) Sang ayat palas marabian patut atur supekta pailikitan riin ring sang rumawos wastu tinas apadang pamutuse kabawos nyapian wawu prajuru nyobyahang kawentenannya ring desa saha keni penebas swaran kulkul manut pararem.

Pawos 61

Tata cara palas marabian sakadi ring sor:

- ha. Naur prebaya pasaksi 10 (dasa) keteng jinah bolong suang-suang lanang lan istri;
- na. Pagunakayan manut sang ngawawenang;
- ca. Pabekel, tadtadan soang-soang kakuasa niri-niri miwah warisan kakuasa olih purusa;
- ra. Ngaweruhin miwah ngupajiwain pratisentana manut swadharmaning guru rupaka;
- ka. Naur pamidanda panebasan swaran kulkul manut perarem ;
- da. Ngelung jinah logika prajuru/dulu; lan
- ta. Mapamit ring pamrajan lanange.

Pawos 62

Prade riwekas sang palas kacihnan adung malih, patut satunggil ngelaksanayang pawiwahan malih patut ngingu banjar manut pararem.

Pawos 63

(1) Sang balu kabinayang dados:

- ha. Balu luh mawit sentana (sentana rajeg) miwah balu luh boya sentana ;
- na. Balu muani kapurusa (wit sentana) miwah balu muani nyeburin (boya sentana).

(2) Swadarmaning balu inucap patut:

- ha. Ngemanggehang pati brata tan kengin ngamargiang para dara/darati krama;
 - na. Nguasayang waris pagunakaya, tan dados ngadol, ngadeang, makidihang lan sios punika, sajawaning kabebasan olih pianak utawi keluarga pinih tampek saking kurenanya prade pianak kantung alit-alit;
 - ca. Yan wenten ngidih sentana prade wenten pidabdab sadurung sinalih tunggil padem, saha kabebasan olih kulawarga sakeng kapurusa ;
 - ra. kawenangang mawiwaha malih, prade wenten kabebasan manut angka/aksara ring ajeng.
- (3) Yan nyolong semara ring anak deha patut kajangkepang.
 - (4) Yan nyolong semara ring anak kantung marabian patut mamarisuda jagat.
 - (5) Yan wenten anak mobot tan wenten ngangkenin ngantos putranne embas tan kadadosang ngaranjing ka Kahyangan, yan mamurug kenik kadanda pamarisuda jagat, pacaruan panca sanak, tur kadanda 250 keteng jinah bolong. Mangda dados ngranjing ka Kahyangan patut biyang kalih okane ngamargiang paperasan.

Pawos 64

Balu kaucap tan pageh sakadi ring sor :

- ha. Daratikrama utawi paradara;
- na. Matilar saking pakubon tan pasadok jantos 6 (enem) sasih;
- ca. Lempas ring swadharma sewos-sewosan, yan tan prasida ngesehin solah maprawerti arep ring pituduh sane patut saking kulawarga purusa.

Palet 3
Indik Sentana
Pawos 65

- (1) Sentana wenten kalih pawos, sane kaucap pratisentana miwah sentana paperasan.
- (2) Pratisentana inggih punika sentana sane metu saking pawiwahan kapatut.
- (3) Prade pawiwahan tan kapatut ngawetuang sentana, mangda tan kantung kawastaning babinjat utawi astra patut kamanggala antuk panyangaskara.
- (4) Prade pawiwaha tan ngawetuang sentana kengin ngidih sentana antuk upasaksi sakala niskala sane kawastanin sentana paperasan.
- (5) Sentana rajeg inggih punika, pretisentana wadon (pradana) sane kemanggehang lanang (purusa) tur risampun ngelaksayang pawiwahan keceburin.
- (6) Sang sane dados kaarsayang sentana rajeg inucap wiwit angka 5, inggih punika:
 - ha. Pratisentana wadon tunggal;
 - na. Pratisentana wadon makueh, patut ngarereh sentana manut dresta tur kulawargannya pada adung;
 - ca. Sampun kamanggehang dados pratisentana lanang (purusa)
 - ra. Kapawiwahan kaceburin kautamayang olih jadma sane maagama Hindu utawi jadma sane maagama siyosan sane sampun ngalaksanayang pamarisuda raga utawi sudiwadani;

ka. Sane ngamanggehang sentana rajeg patut mapasadok ring Prajuru Banjar, tur I Kelihan Banjar patut nyobyahang ring banjar saha ngaturang ring prajuru Desa Adat.

Pawos 66

- (1) Ngangkat sentana manut dudonan patut makacihna arta brana pamerasan sane kasaksiang sakala niskala ;
- (2) Sapa sira ugi krama pacang ngidih sentana patut masadok ring Bendesa sanistane 3 (tigang) sasih sadereng pamerasan. Bendesa ngalanturang pakarsa punika ring sang ngawawenang ;
- (3) Bendesa kawakilin olih kelihan-kelihan Banjar nyobyahang ring sawidangan desa, sang sapa sira ugi rumasa tan lila mangda nyadokang masengker kalih wuku (14 rahina) sabanen pamerasan ring Bendesa Desa Pakraman ;
- (4) Prajuru / Dulu Desa wenang ngandeg sang pacang mameras saha ngicenin pemitus mangda kapuputang riin bebawos, sulur utawi wicaranya.

Pawos 67

- (1) Paperasan sane kapatutang ring desa risampun makacihna :
 - ha. Widi widanan paperasan;
 - na. Kasaksiang olih prajuru desa sane makelingan utawi ngilikitayang.
 - ca. Kasobyahang ring wawidangan desane.
- (2) Sane patut kaperas angge sentana kadi ring sor:
 - ha. Jadma maagama Hindu;
 - na. Papernahan nedunang saking sane meras;

- ca. Kaluwarga saking purusa, prade tan wenten kengin sakeng wadon, yening taler tan wenten wawu kengin sakama-kama (saking kayun);
- ra. Kautamayang saking waris pancer kapurusa;
- ka. Sinalih tunggil mawiwit saking kulawarga tunggal sanggah utawi marajan, paibon, lan dadia utawi ngambilin anak tios sakewanten sang maagama Hindu.

Palet 4

Indik Warisan

Pawos 68

- (1) Warisan inggih punika tetamian arta brana saha ayah-ayahan ngupadi kasukertan sakala lan niskala saking kaluhurannya arep ring turunannya.
- (2) Kang kasinanggeh warise luwire:
 - ha. Duwe tengah, minakadi tegal, ayahan desa, kahyangan, pusaka, siwa pakarana lan sapanunggalannya ;
 - na. Pamrajan ;
 - ca. Pagunakayan, tadtadan/jiwa dana, hutang piutang.
- (3) Wawu kengin kabawos warisan prade wenten:
 - ha. Sang mapiturun (turunan);
 - na. Katurunan (ahli waris);
 - ca. Arta brana miwah tatagenan makacihna warisan.

Pawos 69

- (1) Ahli Waris luwire:
 - ha. Pratisentana purusa;

- na. Pratisentana predana (sentana rajeg);
 - ca. Sentana paperasan lanang / wadon.
- (2) Prade tan wenten sakadi ring ajeng, kang sinanggeh ahli waris luwire :
- ha. Turunan purusa pernah ngunggahang, rerama lanang, pekak salantur ipun rerama misan, mindon;
 - na. Turunan purusa pernah kasamping minakadi kaponakan, misan, mindon.

Pawos 70

Swadarmaning ahli waris patut :

- ha. Ngawerdiang kasukertan leluhumyane;
- na. Nerima saha nguwasayang tetamian pahan saking laluhumyane makadi ngarempon sanggah, pura saha pangupakarannya miwah nyaledihin ayah-ayahan pawaris;
- ca. Ngabenang pawaris saha ngalanturang upacara-upacara Pitra Yadnya;
- ra. Naurin hutang-hutang pawaris sane manut pangelokika.

Pawos 71

Pangepahan waris manut sakadi ring sor :

- ha. Risampun kalaksanayang Pitra Yadnya lan hutang-hutang pawaris buntas katawur;
- na. Para ahli waris polih pahan pada, sangkaning pagunakayan, sajabaning karang/tegal, ayahan desa kaemong olih ahli waris sang sinangguh krama marep;
- ca. Sinalih tunggil ahli waris kengin tan polih pahan prade:
 - 1) Nilar kawitan lan sesananing agama;
 - 2) Alpaka guru rupaka; lan

- 3) Sentana rajeg kesah mawiwaha utawi peatisentana nyeburin, soang-soang sinanggih ninggal kadaton.
- ra. Boya ahli waris kengin maupoin hasil maun dudonan luwure:
- 1) Sentana loh salami dereng kesah mawiwaha utawi tan alpaka guru, miwah prade maderbe pinak tan kangkering olih wong tua rare inucap, kengin ngawaris wantah pikolih pagunakaya sentana loh inucap kemawon :
 - 2) Batu uh wiadin Murni nyeburin (soang-soang boya sentana);
 - 3) Mulih deha utawi teruna, riuntukan ring pawiwahanne pecak sampun kabawos ninggal kadaton.
- ka. Pewaris kengin maweweh rikala maupin pinaka jiwa dana, tadtadan, bekel, makasihna paweweh tetep ring pinak sane kesah mawiwaha.

Pawos 72

- (1) Parade sajeroning pakulawargan wenten ahli waris langkungan ring adiri patut:
- ha. Kawentenang paigum indik padum waris inucap;
 - na. Yan tan prasida katunasang tulinhang ring prajuru (Karta Desa);
 - ca. Prade taler tan wenten cangpa ring panepas Karta Desa, kengin katunasang ring sang ramawos.
- (2) Prade karang inucap kaputusan, patut prajuru/dulu-dulu nibakang ring :
- ha. Sang sinanggih ahli waris maun pawos 69 ;
 - na. Sang kengin anggon sentana maun pawos 77 aksara (na), aksara (ca); lan
 - ca. Prade taler tan wenten cangpa ring panepas Karta Desa, kengin katunasang ring sang ramawos.

- (3) Karang Ayahan Desa tan dados kaepah / kasepih.
- (4) Yan wenten karang, tegal, carik kaanggen paumahan olih sang sane maagama Hindu, turmaning jenek mapaumahan ring Desa Adat Pejeng Kawan patut keni ayah manut pararem.
- (5) Yan wenten karang, tegal, carik utawi sane siyosan, kaangen paumahan olih sang sane maagama siyosan ring agama Hindu, patut madesa dinas tur nyarengin ngamong pawongan lan palemahan manut pararaem.

SAD SARGAH
SUKERTHA TATA PALEMAHAN

Palet 1

Karang, Tegal, lan Carik

Pawos 73

- (1) Krama Desa pangamong Karang Desa, utawi karang gunakaya patut ngwatesin karang inucap antuk tembok utawi pagehan mangda pakantenne asri.
- (2) Wates sisi kaler miwah kangin patut kakaryaning olih sang ngamong karang ayahan inucap sane mawasta gegaleng kaluan, sajawaning tanah pacatu, tegal, carik, utawi tanah padruweyan ngaraga, sane kapiara watese sisi kelod miwah kauh utawi manut dresta reh punika kawastanin magaleng kateben.
- (3) Prade karasayang pagehan / turus inucap ngalikadin, yan pada arsa panyandinge, kengin watese nganggen pinget kewanten, kasaksinin olih prajuru / dulun desa utawi pracihna pal saking sang ngawawenang.
- (4) Prade wenten karang kabebeng / embet mangda kautsahayang wenten pamarginnya, manut paigum lan pararem.
- (5) Tan kengin:

- ha. Ngentungan luu, wangken wawalungan kapakarangan, tegal/carik anak lian, kalih ka margine utawi ka tukade;
- na. Ngembahang toya wit sakeng badan wawalungan, kakus, pasiraman, pawaregan, ka tegal, carik, ka margine utawi ka tukade miwah sane siosan ngawinang mambu kaon.
- ca. Prade wenten sakadi ring ajeng keni pamidanda manut pararem.

Pawos 74

(1) Sinalih tunggil Krama Desa/Banjar tan kalugra :

- ha. Ngalah-ngalah margi, tegal ayahan desa, karang desa lan sapenunggalnyane;
- na. Ngalah-ngalah tanah linggih kahyangan, tegak setra, lan sakancan linggih sinanggeh suci

(2) Prade wenten sakadi ring ajeng, sang ngelalah wenang ngawaliang tanah inucap saha keni pamidanda manut pararem kadulurin upacara prade ngelalah.

Palet 2

Pepayonan

Pawos 75

- (1) Ngawit nandur pepayonan tanem tuwuh patut adepa agung utama (3 meter) ngajerowang saking wates, prade ngantos ngaliwat wates wenang sang sane nruenang ngrabah utawi notor.
- (2) Yening wenten tatanduran ngungkulin, samaliha mawastu mayanin kapisaga patut kawara antuk paiguman ping ajeng mangda prasida sang nruenang wit ngarebah utawi notor.

- (3) Prada sampun kawara taler ten wenten usaha sane nruwenang wit, sang rumasa katetehan / kajerihin wenang masadok ring prajuru / dulu, tur risampun kaparitas kalugra mademang wit inucap, sakewanten patin pepayonan patut katawur manut pangelokita sane nepasin.
- (4) Sang keni pamidanda panyangngaskara saha prabea manut pararem arep ring wewangunan sang karubuhin, luwire:
 - ha. Apah tiga katur ring sang nruwenang wit;
 - na. Apah tiga katur ring krama panyandingnya;lan
 - ca. Apah tiga katur ring Desa Adat.
- (5) Krama desa patut ngamanggehang kawerdian tenem tuwuh sane ngawaning desane asri.

Palet 3

Wewangunan

Pawos 76

- (6) Nyabran ngawangun patut:
 - ha. Masadok ring prajuru / dulu, ping ajeng prade wewangunan nganinin wates;
 - na. Ngangge sukat asta bumi miwah gagulak asta kosala kosali sanistanya manut ring patitis niskala
 - ca. Tan nyayubin kapisaga;
 - ra. Tan dados ngembahang toya wit saking jempeng/kakus, miwah belengbeng/bada kapisage;
- (7) Prade wewangunan ngantos nyayubin bilih-bilih temboke telengin ring wates, risampun kawara tur kasadokang ring prajuru/dulu, wenang kadanda manut pararem saha tembok inucap kagubar utawi sanistane mangda kakaryanang abangan.

Palet 4
Wewalungan
Pawos 77

- (1) Warga Desa sane mamiara wawalungan patut sayaga nitenin, negul/ngalogor mangda tan ngarusak karang utawi pabianan krama sewos, bilih-bilih jantos ngaranjing ngaletihin kahyangan.
- (2) Prada wenten wewalungan malumbar utawi ngeleb ngarusak pakarangan/pabianan krama sewos, risampun kawara dados kataban tur kadanda ngawaliang wit sane karusak saha naur penebas papiaran tetabanan, manut pangelokikan prajuru/dulun desa.
- (3) Prade jantos ngaletihin linggih suci, minakadi pamrajan, risampun kaparitas olih prajuru / dulun desa wenang sang nruwenang kadanda mabuhu agung (caru eka sata, maduluran tebasan prayascita durmanggala), prade ngaletihin kahyangan desa utawi pura pamaksan, wenang nyaronin antuk panca sata makerep itik belang kalung.
- (4) Krama Desa patut nyanggra wewalungan miwah sarwa prani, tan kapatutang ngamademang paksi, nuba ulam, miwah sane sewosan, prada wenten malaksana sakadi punika keni pamidanda manut pararem tur kaaturang ring sang ngawawenang.

Palet 5
Bhaya
Pawos 78

- (1) Painsik bhaya, luwire : jiwa bhaya, artha bhaya (kapandangan), geni bhaya, pawana bhaya, er bhaya, dura cara ring agama.
- (2) Sang manggihin kahanan jiwa bhaya, patut nepak kukul bulus mapitulung manut pawos 25 (1) aksara ha.

- (3) Prade ring desa kahanan jiwa bhaya, patut desane ngaturang bhuta yadnya, tur sang mayanin kaaturang ring sang ngawewenang.
- (4) Prade wenten jatma mamisuh utawi nguman-uman jatma tios, kakenanin pamidanda bea pacamil maduluran tebasan prayascita.
- (5) Yening wenten jatma majengilan ring balai banjar, ring pura, utawi ring genah sane kasinanggeh suci, lan genah sane siyosan ring sawewidangan Desa Adat Pejeng Kawan keni pamidanda manut pararem, maduluran panyangaskara prade sang majengilan kantos ngamedalang rah.

Pawos 79

- (1) Sang manggihan kahanan artha bhaya (kamalingan) patut ngukul mapitulung manut ring pawos 25 aksara ha (2) utawi sang kamalingan atur supeksa ring Prajuru/Dulun Desa sane pacang nimbangin utawi nandanin manut pararem saha maweweh panyangaskara prade wenten jatma ngamaling barang sinanggeh suci.
- (2) Pratingkahe mapailon ring dusta kabawos saruron, prade wenten jatma manggihin maling tan nyadokang ring prajuru/dulu jantos jatma tios nyaduang patut kadanda kadi dandaning maling, sakuweh pangargan wit manut cacakan banjar, tur prade jantos ping tiga malaksana asapunika wenang kasukserah ring sang ngawewenang.
- (3) Prade wenten jatma ngarereh reramon, minakadi daun kelapa, ron, miwah sane sewosan tanpa sadok ring sang nruwenang wit, prade kacunduk (katara) patut kadanda kadi dandaning maling.
- (4) Mangda tan katuwekang manut sekadi ring ajeng, asing-asing ngaranjing kapakubon jatma tiyos patut:
ha. Metengeran suara (makaukan);

- na. Nyantosang sang nruwenang karang rauh utawi masadok ring pangapit pinih tampek, maka buatan pangaranjinge;
- ca. Pamedal karangnya kadagingin sawen, maka cihna pangarah rikala suwung.

SAPTAMA SARGAH
WICARA LAN PAMIDANDA

Palet 1

Indik Wicara

Pawos 80

- (1) Sane wenang mawosin makadi mutusang wicara ring Desa inggih punika Prajuru/Dulu Desa sinanggeh Kerta Desa.
- (2) Tata dudonan mawosin saha muputang wicara warga desa kadi ring sor :
 - ha. Kaping ajeng kabawosin olih Kelihan Banjar;
 - na. Tan cumpu ring pamutus Banjar, karerehang pamutus ring paruman Banjar;
 - ca. Prade tan cumpu ring pamutus Banjar, katumusang ring Bendesa Desa Adat lan Kerta Desa;
 - ra. Taler tan wenten cumpu ring pamutus Bendesa lan Kerta Desa katumusang ring paruman Desa Adat.
- (3) Prade sang mawicara tan cumpu ring pamutus paruman Desa Adat lan Kerta Desa, kengin nunasang wicara inucap ring Majelis Desa Adat manut undagannyane.

Pawos 81

- (1) Sahanan wicara mawiwit kacorahan saka luwire sinanggeh nungkasin daging Awig-awig, Pararem miwah Paswaran Desa/Banjar, Prajuru / dulu patut digelis mawosin tan nyantos pasadok.
- (2) Sajaba wicara kadi ring ajeng patut nyantosang pasadok sang nunas bawos.
- (3) Panepase patut pastika nyantenang iwang patut malarapan Tri Pramana (saksi, ilikita, bukti) miwah tan maren nepek ring catur dresta.

Palet 2

Indik Pamidanda

Pawos 82

- (1) Desa/Banjar wenang niwakang pamidanda ring warga Desa / Banjar sane sisip.
- (2) Paniwak inucap kalaksanayang olih Bendesa malarapan pamutus Kerta Desa, yan ring Banjar olih Kelihan Banjar.
- (3) Bacakan Pamidanda luwire:
 - ha. Ayahan panukun Kasisipan;
 - na. Danda arta;
 - ca. Ngaturang panyangaskara nunas pangampura (jiwa danda);
 - ra. Kanorayang.
- (4) Pamidanda sane katiwakang patut masor singgih manut ring kasisipanne.

- (5) Jinah utawi raja brana pamidanda ngaranjing dados druwen Desa/Banjar.

Pawos 83

- (1) Krama sane langkungan ring tigang paruman ngalantur tan nawur urunan miwah dadandan wenang karampag.
- (2) Rerampagan ngangge tata cara kadi ring sor:
 - ha. Kalaksanayang olih prajuru kasarengin oleh krama saakehnya tigang diri maka saksi;
 - na. Sang ngarampag sangkaning darsana ngambil barang utawi nyawenin tanem tuwuh, akehnya manut ring utang sang karampag, sang karampag mangda lila nyukserahang barangnya sane dados wala;
 - ca. Prajuru/Dulu miteketang mangda barang-barang sane karampag gelis katebus, masengker asasih (35 rahina)/asangkepan, ring 36 rahinane; pacang kaadol;
 - ra. Tan nganinin saluwir barang sane patut inggilang manut agama miwah tan mademang pangupa jiwa sang karampag.

Pawos 84

- (1) Prade sang pacang karampag ngawara (ngalangin) palaksanan inucap mawastu sampun tan nganutin Awig-awig Desa, Karang Desa sane kagenahin kadaut olih Desane.
- (2) Samaliha yan purun taler ngalangin palaksanan kadi ring ajeng tan wenten pamargi sajawaning kairid olih Krama Desane.
- (3) Pamidanda inucap ring ajeng keni buntas risampun sang kakeninin:
 - ha. Nunas geng pengampura ring Krama Desa riantukan nguak pasubaya (pararem) pecak, maduluran panyangaskara;

na. Nawur pangargan panguak pasubayane duk pacang karampag kadulurin maprayascita penyapsap kaiwangane ring desa.

ASTAMA SARGAH
NGUWAH-NGUWAHIN AWIG-AWIG

Pawos 85

- (1) Nguwah-nguwahin Awig-awig Desa Adat puniki kalaksanayang ring paruman Desa Adat Pejeng Kawan.
- (2) Awig-awig puniki kamargiang ngawit kaingkupin (kararemin).

Pawos 86

- (1) Sakaluwiring sane wenten saderengnya patut kaanutang ring sadaging Awig-awig puniki
- (2) Sakaluwiring sane durung kabawos sajeroning awig-awig puniki patut kalaksanayang manut tata cara sane sampun mamargi kadulurin antuk pararem-pararem.

NAWAMAS SARGAH

SAMAPTA


Pawos 87

- (1) Awig-awig puniki kararemin duk rahina Saniscara Wuku Menail Pangelong Ping 6 (nem) Sasih Kapat, Icaka 1941 tanggal masehi 19 Oktober 2019, tur kaparipurnayang duk rahina Saniscara Wuku Menail Sasih Kapat Pangelong Ping 6 (nem) Icaka 1941 tanggal 19 Oktober 2019 ring Wantilan Desa Adat Pejeng Kawan.

Desa Adat Pejeng Kawan

- (2) Awig-awig puniki kalingga tanganin olih Bandesa Desa Adat Pejeng Kawan, Panyarikan, Ketua Sabha Desa, Kelihan Banjar Tatiapi, Kelihan Banjar Tatiapi Kelod, Kelihan Banjar Dukuh Kanginan, Kelihan Banjar Dukuh Kawan, Kelihan Banjar Dukuh Geria, lan Kelihan Banjar Sala kasaksinin olih Perbekel Desa Pejeng Kawan, lan Camat Tampaksiring.
- (3) Luwir sang ngalingga Tanganin :
Kapartama Prajuru Desa Adat Pejeng Kawan:

Bendesa Adat Pejeng Kawan



(Gusti Nyoman Lasia)

Penyarikan



(Dewa Putu Astawa)

Ketua Shaba Desa Adat Pejeng Kawan




(Anak Agung Gede Ngurah)

Kelihan Banjar Adat

Tatiapi

Tatiapi Kelod

Dukuh Kanginan



(A.A. Gede Semara Jaya)



(A.A. Gede Mayun Astawa)



(I Wayan Nasa)

Dukuh Kawan

(I Wayan Tunas Mudita)

Dukuh Geria

(Dewa Made Arjana)

Sala

(Ida Bagus Kasna)

Prajuuru Dinas Pinaka Saksi

Perbekel Pejeng Kawan

(A.A. Gede Oka)

Camat Tampaksiring


(Drs. I Kadek Alit Wirawan, M.AP)
NIP. 19750216 199311 1 002

Telah Dicatatkan di Kantor Bupati melalui Dinas Kebudayaan
Kabupaten Gianyar,

Pada tanggal :21 Oktober 2019

Nomor :20 Tahun 2019

Kepala Dinas
Kebudayaan Kabupaten Gianyar



Ketut Mudana, SH. MBA
Pembina Utama Muda
NIP: 19690101 198803 1 004

Desa Asal Pejeng Kawan